

33777



16259

續  
南  
通  
志

第二冊

首卷

聖制



首卷四之二

聖制

皇上諭祭文

皇帝嗣位祭告中嶽高山文

雍正十三年

維神望崇峻極極廻峙中州和會陰陽生靈資福朕纘承

大統仰紹前徽伏念

皇考臨御以來敬祀明神肅將禋祀靈祇孚應昭受鴻庥清

晏奠安茂登上理茲當嗣位之始宜隆望秩之儀特遣

專官虔申告祭惟冀雨暘時若年穀順成萬方蒙樂育

續河南通志

聖制

首卷四之二

之庥兆姓荷帡幪之德尚其歆格鑒此精誠

祭告濟瀆文

雍正十三年

惟神導源王屋澤潤交郊清澈衆流靈昭伏現朕纘承

大統仰紹前徽伏念

皇考臨御以來敬禮明神肅將禋祀靈祇孚應昭受鴻庥清

晏奠安茂登上理茲當嗣位之始宜隆望秩之儀特遣

專官虔申告祭惟冀雨暘時若年穀順成萬方蒙樂育

之庥兆姓荷帡幪之德尚其歆格鑒此精誠

祭告淮瀆文

雍正十二年

維神桐柏源長河流交滙東南利賴永慶安瀾朕纘承

大統仰紹前徽伏念

皇考臨御以來敬禮明神肅將禮祀靈祇孚應昭受鴻庥清晏奠安茂登上理茲當嗣位之始宜隆望秩之儀特遣專官虔申告祭惟冀雨暘時若年穀順成萬方蒙樂育之庥兆姓荷悒蒙之德尚其歆格鑒此精誠

祭告太昊伏羲陵文

雍正十三年

禮崇典祀光俎豆于前徽念切景行薦馨香于往哲維皇繼天建極撫世誠民豐功焜耀於簡編駿烈昭垂於宇宙溯典型於在昔凜法監之常存朕以藐躬繼登大寶屬膺圖之伊始宜展祀以告虔特遣專官祇遵彝典苾芬在列備三獻之隆儀靈爽式憑仰千秋之明德尚其歆格永錫鴻禧

續河南通志

聖制

首卷四之二

二

祭告顓頊帝嚳二陵文

以下歲時并同上

祭告商高宗陵文

同上

祭告商中宗陵文

同上

祭告漢光武帝陵文

同上

祭告周世宗陵文

同上

祭告宋太祖陵文

同上

祭黃河神文

乾隆元年

惟神發源星海垂象雲津循軌安行實藉平成之慶流膏浸潤咸資長育之仁爰自中州達于東兗隄工亘固經二千餘里之遙水利聿興全億萬生民之衆朕祇承天眷嘉獲神庥特命河臣俾修歲事侯封視秩義莫大乎報

功川祭居先禮特隆于專祀尚其歆格鑒此精誠

世宗憲皇帝配享禮成祭告太昊伏羲陵文 乾隆二年

自古帝王憲天出治建極綏猷德澤洽于萬方軌範昭于百世朕纂承鴻緒景仰前徽茲于乾隆二年四月初六日恭奉

世宗敬天昌運建中表正文武英明寬仁信毅大孝至誠

憲皇帝主配饗

圜丘禮成特遣專官虔申昭告維冀永佑雍熙之盛益昭安阜之隆庶鑒精誠尚其歆格

祭告顓頊帝巒二陵文 同上

祭告商高宗陵文 同上

續河南通志 聖制

首卷四之二

三

祭告商中宗陵文 同上

祭告漢光武帝陵文 同上

祭告周世宗陵文 同上

祭告宋太祖陵文 同上

皇上時巡祭告中嶽嵩山文 乾隆十三年

惟神雄標峻極極位鎮中央靈氣鬱蟠陰陽和會朕仰承丕緒時遇省方載舉舊章耑官秩祀神其鑒焉

祭告濟瀆文 乾隆十三年

惟神源從導汎功著截河伏以流謙滄之不濁朕祇承默佑稽古時巡爰遣專官用申殷薦神其鑒焉

祭告淮瀆神文 乾隆十三年

惟神導源桐栢行派江河澤潤無窮阜成滋大朕祇承  
默佑稽古時巡爰遣專官用申殷薦神其鑒焉

中宮攝位

慈寧晉號祭告中嶽嵩山文

乾隆十四年

惟神位宅天中德標峻極陰陽和會八表具瞻茲以邊  
徼救寧

中宮攝位

慈寧晉號慶洽神人敬遣專官用申殷薦神其鑒焉

祭告濟瀆文

乾隆十四年

惟神源分汎水功截河流潛伏地中清而不濁茲以邊  
徼救寧

續河南通志

聖制

首卷四之二

四

中宮攝位

慈寧晉號慶洽神人敬遣專官用申殷薦神其鑒焉

祭告淮瀆文

乾隆十四年

惟神桐栢導源江河利涉旋樞地穴通濟東南茲以邊  
徼救寧

中宮攝位

慈寧晉號慶洽神人敬遣專官用申殷薦神其鑒焉

祭告太昊伏羲陵文

乾隆十四年

惟皇繼天建極撫世綏猷教孝莫先於事親治內必兼  
於安外典型在望模楷常存茲以邊徼救寧

中宮攝位

慈寧晉號慶洽神人敬遣專官用申殷薦仰惟歆格永錫鴻

禧

祭告顓頊帝嚳二陵文同上

祭告商高宗陵文同上

祭告商中宗陵文同上

祭告漢光武帝陵文同上

祭告周世宗陵文同上

祭告宋太祖陵文同上

祭黃河神文 乾隆十四年

惟神溯源星海垂象雲津流合沁黃會百川而東注功

垂充豫滋萬畝之西成值大雨之時行周防是亟賴長

續河南通志

聖制

首卷四之二

五

堤之孔固漫溢無虞嘉貺式昭明禋特展惟冀英靈默

佑長昭潤下之經樂利成臻永錫安瀾之慶神其昭鑒

享此苾芬

中宮正位

慈寧晉號祭告中嶽嵩山文 乾隆十五年

惟神位宅天中德標峻極陰陽和會八表具瞻茲以正

位

中宮鴻儀懋舉

慈寧晉號慶洽神人敬遣專官用申殷薦神其鑒焉

祭告濟瀆文 乾隆十五年

惟神源分汎水功截河流潛伏地中清而不濁茲以正

位

中宮鴻儀懋舉

慈寧晉號慶洽神人敬遣專官用申殷薦神其鑒焉

祭告淮瀆神文 乾隆十五年

惟神桐栢疏源江河利涉旋樞地穴通濟東甬茲以正

位

中宮鴻儀懋舉

慈寧晉號慶洽神人敬遣專官用申殷薦神其鑒焉

皇上巡幸洛邑諭祭洛陽祠廟文

祭周公廟文 乾隆十五年

惟公碩膚天授才藝性成紹家學以繫爻敬千秋之奧

續河南通志

聖制

首卷四之二

六

旨定朝常而制禮開萬世之太平勤施在輔治之年勲

勞莫大篤棐立為臣之極德業如新雖錫胙土於魯邗

山河猶在而禪經營於洛邑俎豆斯存朕稽古制而時

巡指中州而稅駕遙瞻祠宇如親赤舄之容式覩楹題

緬想衮衣之範爰修秩祀特遣專官鑒此苾芬靈其歆

格

祭關林文 乾隆十五年

惟神德兼文武氣塞乾坤學紹孔門默契春秋之旨力

扶劉祚長懷忠義之忱封賜還曹向背之分判若越關

歸漢綱常之際凜然懸皎日於丹衷堅逾金石仰英風

於奕世信格豚魚所以赫濯聲靈合白叟黃童而肅拜



抑且馨香俎豆遍遐陬僻壤以欽承大節隆名永著  
光於史冊佑民福國宜昭崇報於熙朝朕法古時巡至  
於中嶽瞻松楸之在望肅遣專官將牢醴以告虔用申  
祭特享神其歆格鑒此明禋

諭祭唐儒韓愈墓文

乾隆十五年

尚其格

惟爾學可稱師才堪命世正色而銷逆節履險如夷昌  
言以障狂瀾因文見道義光廊廟責難陳善之心信著  
豚魚降嶽騎箕之稟遺編可守亮節常昭朕稽古懷賢  
巡方展義高原鬱鬱猶疑衡嶽之祥遺廟我我見陽  
山之愛薦黃蕉與丹荔事有司存望靈雨與飄風神其

來格

續河南通志

聖制

首卷四之二

七

祭宋儒范仲淹祠文

乾隆十五年

惟爾淵通經術茂樹風猷攻苦辛勤守畫粥斷齋之素  
仔肩艱鉅表先憂後樂之心名動諸羌奠危疆於磐石  
識高同列垂讜論於簡編誠惻素孚屬國知龍圖之號  
褒賢擅美桓碑留馬鬣之封朕巡幸中州道經嵩洛雅  
懷芳躅有粹然儒者之風緬想遺規流溥矣仁人之澤  
爰修祀典用薦苾芬神如有知尚其歆格

祭宋儒司馬光祠文

乾隆十五年

惟爾德器渾全勲猷彪炳功高定策居然社稷之臣志  
在安民偉矣帝王之佐規黼扆而伸讜論三朝共仰訂  
謨綜史籍而訂鴻編千載猶資啟沃語皆不妄肇開伊

洛之淵源學戒勿欺允媿范韓之忠蓋禮崇伯食久祀  
專祠朕稽古時巡涖茲中土昔傳粹德繫兒童走卒之  
心今溯懿徽想洛社耆英之盛爰修秩典用遣專官神  
爽如存尚其歆格

祭宋儒程灝祠文

乾隆十五年

惟爾質抱中和學通道器德輝交暢表和風甘露之襟  
寧宇不攖昭峙嶽澄淵之度貫精誠於金石君相爲之  
動容闢正路之榛蕪豪彥於焉歸往竟其施設居然三  
代之英考厥生平豈在大賢以下道光豐石功著遺經  
朕時邁中州觀風洛邑瞻言遺愛如聞衆母之呼慨念  
斯文想見真儒之概遣專官而展祀冀歆格於神靈

續河南通志

聖制

首卷四之二

八

諭祭宋儒程頤祠文

乾隆十五年

惟爾學本誠明性成方大繼太和之清節旣肯構而肯  
堂媿伯氏之純修亦難兄而難弟事君以道大臣諤諤  
之風與聖爲徒儒者巖巖之象求孔顏之純學樂有在  
於曲肱闡爰彖之微言道匪遙於下帶允作六經之羽  
翼宜隆千秋之馨香朕以時巡涖茲伊洛念哲人於彷彿  
依然立雪之門覽祠廟以輝光應比春風之座用將  
祀事式遣專官惟冀神靈尚其歆格

諭祭宋儒邵雍祠文

乾隆十五年

惟爾質稟高明學窮蹟隱陰陽動靜玩變化於一心生  
長收藏謚經綸於四府掌文指節能占法象之奇月到

風來自得性靈之樂湛虛明於心體世服前知化忠厚  
於鄉閭士稱純德遺風未昧美報宜隆朕時邁嵩高觀  
風伊洛里居不遠猶傳安樂之名祠宇如新還想漁樵  
之唱載深嘉尚用薦明馨靈如有知尚其來格

諭祭宋臣呂蒙正祠文

乾隆十五年

惟爾稟質溫純立朝端介早修孝養篤雍睦於家庭淳  
歷鈞衡贊謨謀於密勿獻讜言而無隱惟矢蓋誠謝面  
斥而不聞獨高雅量屢陳利害同列畏其方嚴三拜平  
章當宇知其直諒朕省方中土道出祠庭喬木垂柯羨  
承家之餘蔭名園歸老緬幸第之殊榮爰遣專官用修  
苾芬神其昭鑒享此精禋

續河南通志

聖制

首卷四二

九

諭祭宋儒朱熹祠文

乾隆十五年

惟朱子間氣鍾英純儒體道稚齒戲於沙上卽圖八卦  
之文遺書立於學宮重定六經之傳官榮屢讓薄俗知  
易退之風政事可觀巨屏有得賢之慶設科而明師道  
講學以主敬爲宗拜手而進昌言致主以正心爲本實  
儀型於百世宜俎豆於千秋朕稽古省方言巡中嶽訪  
遺規於祠宇恍接清徽溯道統之淵源彌嘉令範式修  
秩祀祗薦明馨惟冀神靈尚其歆格

巡幸鄭州祭告周世宗陵文

乾隆十五年

惟帝雄才卓越武畧奮揚紹基當流極之衰意常存於  
復古勘亂值紛紜之會志不懈於修文邁五代而膺英

聲式昭功烈閱千秋而光祀典勿替馨香朕稽古制而時巡指中州而稅駕遙瞻松栢式企園陵特遣專官用修禮祭靈其鑒格尚克歆承

幸新鄭祭宋臣王曾文

乾隆十五年

惟爾嚴重持躬端純表範平生言志曾無溫飽之心筮仕登朝雅擅羽儀之望嘉謨侃侃願惟符應而弗居正色巖巖每入承明而見禮一身而安中外何愧輔臣片語以決危疑克襄大計朕省方中土緬溯懿徽弱歲稱詩早裕羹梅之事業大星隕寢猶昭箕尾之光輝式薦馨香用隆秩祀神其來格尚克歆承

駕過柳園口祭黃河文

乾隆十五年

續河南通志

聖制

首卷四

之

十

惟神尊號瀆宗靈稱水伯珠宮貝闕每呈瑞彩於千年玉檢金繩曾泛榮光於五色朕巡幸伊洛旋蹕河濱載修望秩之儀永睹安瀾之慶馨香式薦默鑒精誠

皇太后六旬萬壽祭告中嶽嵩山文

乾隆十七年

惟神位宅天中德標峻極陰陽和會八表具瞻茲以慈寧萬壽懋舉鴻儀敬晉

徽稱神人慶洽特遣專官用申秩祭神其鑒焉

祭告濟瀆文

乾隆十七年

惟神源分洸水功截河流潛伏地中清而不濁茲以

慈寧萬壽懋舉鴻儀敬晉

徽稱神人慶洽特遣專官用申殷薦神其鑒焉

祭告淮瀆神文 乾隆十七年

惟神桐栢疏源江河利涉旋樞地穴通濟東南茲以

慈寧萬壽懋舉鴻儀敬晉

徽稱神人慶洽特遣專官用申殷薦神其鑒焉

祭告太昊伏羲陵文 乾隆十七年

惟皇憲天作極受錄承庥教孝莫先於事親歛福用光  
乎繼治是彝是訓緬惟至德要道之歸壽國壽人允懷

錫類推恩之盛茲以

慈寧萬壽懋舉鴻儀敬晉

徽稱神人慶洽爰伸殷薦特遣專官冀鑿茲忱永綏多福

祭告顓頊帝嚳二陵文 同

續河南通志

聖制

首卷四之

十一

祭告商高宗陵文 同

祭告商中宗陵文 同

祭告漢光武帝陵文 同

祭告周世宗陵文 同

祭告宋太祖陵文 同

平定準噶爾大功告成上

皇太后徽號祭告中嶽嵩山文 乾隆二十年

惟神雄峙中天德標峻極均和寒暑統會陰陽茲以平  
定準噶爾大功告成加上

皇太后徽號神人洽慶中外蒙庥敬遣專官用申秩祭神其

鑒焉

祭告濟瀆文 乾隆二十年

惟神衍派常山分源洸水潛通地脉廣沛清流茲以平  
定準噶爾大功告成加上

皇太后徽號中外同歡神人洽慶敬遣專官用申秩祭惟神

鑒焉

祭告淮瀆神文 乾隆二十年

惟神澧水同源餘山濬派合流西北利涉東南茲以平  
定準噶爾大功告成加上

皇太后徽號中外同歡神人洽慶敬遣專官用申秩祭惟神

鑒焉

祭告太昊伏羲陵文 乾隆二十年

續河南通志

聖制

首卷四之二

七

惟帝建極乘時綏猷馭世制臨無外德威之服遠者神  
教化有原孝道以尊親為大景典型於在昔實天經地  
義之不昭宏佑啟於方來惟文治武功之交凜茲以平  
定準噶爾大功告成加上

皇太后徽號神人洽慶中外蒙庥敬遣專官用申禋祀伏惟

鑒格

祭告顓頊帝嚳二陵文 同上

祭告商高宗陵文 同上

祭告商中宗陵文 同上

祭告漢光武帝陵文 同上

祭告周世宗陵文 同上

祭告宋太祖陵文

同上

蕩平回部祭告中嶽高山文

乾隆二十四年

惟神位正中央體凝峻極柳張分次麗乾曜之七星河  
洛鍾靈奠坤輿於兩戒四表之陰陽交會萬方之風雨  
同和茲以逆回蕩平大功底定慶六師之克捷我武惟  
揚仰二室之巍我鴻庥遠庇敬舉告功之典用伸秩祀  
之文式薦馨香伏惟昭鑒

祭告濟瀆文

乾隆二十四年

千里莫測其來由武州景重

惟神行派温城溯源王屋亘數州而襟帶分二道以滌  
涸濁不撓清水德能消夫氣溢潛而必見地維常貫於  
廣輪茲以回部悉平遠人胥服大功既奏慶典斯昭合  
薄海以懷柔百神咸秩將大川之禮祀列嶽攸同遣我  
專官尚其來格

祭告淮瀆神文

乾隆二十四年

惟神源出胎替道經桐栢千里莫窮其東注九州最重  
於南條如銀排赤岸之波獨歸溟渤激箭靖黃流之氣  
淨掃泥沙茲以回部永清大勳既集合神人以禋福胥  
海宇以凝庥應地無疆薦祐常資靈貺惟天其右明禋  
特飭禮官將我苾芬尚其歆鑒

祭告太昊伏羲陵文

乾隆二十四年

惟皇建極綏猷經文緯武誕敷德教仁義備其漸摩克  
詰戎兵聲靈彰其赫濯惟恩威之兼濟先後道本同符

斯命討之昭垂千古功歸一軌茲以西師克捷回部蕩  
平輒駿烈於前型敷奏其勇遠徂征於絕域遙觀厥成  
中外歡騰神人協慶專官肅祀昭鑒惟歆

祭告顯項帝馨二陵文

同上

祭告商高宗陵文

同上

祭告商中宗陵文

同上

祭告漢光武帝陵文

同上

祭告周世宗陵文

同上

祭告宋太祖陵文

同上

皇太后七旬萬壽祭告中嶽高山文

乾隆二十七年

惟神望重高高位臨洛汭產萑蒲之九節開貝葉以三

續河南通志

聖制

首卷四之

古

花室判東西遙仰群真嶽降誠通響應會傳夾道山呼

茲以

慈闈萬壽懋舉鴻儀敬晉

徽稱神人慶洽仰

靈祇於嵩嶽敬奉明禋修祀典於中州聿申祇告特修

殷薦用答神庥

祭告濟瀆文

乾隆二十七年

惟神發源王屋資潤岱宗截洪河而色清溢滎澤而流

伏靈長効順環繞兗州之區典禮攸隆司存風姓之祀

茲以

慈闈萬壽懋舉鴻儀敬晉



徽稱神人慶洽仰靈祇之流行蔭美清泉考彝典以薦馨誠

通丹俎寅清特展鑒格永昭

祭告淮瀆神文 乾隆二十七年

惟神桐栢濬源泗沂交會出荆山而北注分澧水以東  
流瀆號長源注海奏安瀾之績派分清泚敵黃資捍禦  
之功茲以

慈闈萬壽懋舉鴻儀敬晉

徽稱神人慶洽仰靈祇之溥潤澤濟東南考彝典以明禋誠

通俎豆爰申殷薦用冀靈承

祭告太昊伏羲陵文 乾隆二十七年

惟帝本仁祖義明物察倫修人紀以綏猷則天經而立

續河南通志 聖制 首卷四之二 五

極緬羹牆其可接先後攸同奉俎豆以常新楷模斯在

茲以

慈闈萬壽懋舉鴻儀敬晉

徽稱神人慶洽展尊

視之義思克紹夫前型廣錫類之仁期永綏夫後祿爰申祀

告式薦馨香尚鑒惻忱俾膺多福

祭告顓頊帝嚳二陵文 同上

祭告商高宗陵文 同上

祭告商中宗陵文 同上

祭告漢光武帝陵文 同上

祭告周世宗陵文 同上

祭告宋太祖陵文  
上同

續河南通志

聖制

首卷四之二

夫

首卷四之三

聖制

皇上御製詩

河南巡撫雅爾圖奏進穀穗盈尺時六月二十日也

蓋雨暘應時則穀熟之早有如此者既以示臣工

爰作詩以誌慶

庚申

民天伊古重宵旰為祈年豫省災傷後

去年河  
南被水

西成企

望虔喜看盈尺穗儼歷有秋田稍解吾民愠披薰一暢

然

續河南通志

聖制

首卷四之三

一

河南巡撫雅爾圖奏進新麥

辛酉

琴無南薰日正長封題新麥白如霜倚吟不為供晨膳

遙喜千家餅餌香

賜河南巡撫雅爾圖回任

癸亥

鳴珂辭魏闕迴轡指中州借爾丹誠罄俾予愷澤流農

桑圖治本保障為民謀敷政何居要端惟不競綵

聞河南山東得雨誌喜

乙丑

齊鄭麥為秋所需三月雨向接方伯奏東郊趾待舉晨

夙望南雲默禱心恒恒油然亦屢作霈今方延佇不遲

數日間郵傳遞佳語既欣一犁深更幸兩州普豈惟滋

來牟兼可播稔黍眉舒有餘望心沃無餘苦繫余德涼

薄誠格敢自詡祇此省歲心綏豐願海宇去冬三白  
春霖潤膏土皇州景色佳花柳紛烟墅察近而略遐此  
戒銘心所憶昔扶風守所慮百里許彼喜尚艱致我喜  
豈易觀

復聞河南山東得雨有作

乙丑

雪積雨復霑皇州春可樂望蜀志未已所憶齊與洛旋  
聞足一犁稍釋憂心灼邇時入夏來時復風靈作麥腹  
正含胎綠芒半焦若默禱瞻星躔延領望雲脚夕陽以  
朝乾近籌遠更度旬宣方伯臣皆予心膂託憂勤相與  
共念恤民之瘼封奏得佳音靈雨霑郊郭麥秋良足恃  
予懷轉寬綽三輔尚愆期愁慰相縈著卜澤候蜥蜴呼

續河南通志

聖制

首卷四之三

二

晴厭乾鵲天衣信五銖風引輒飄霽十歲九祈雨允矣  
子德薄罪歲夙知戒展轉祇增忤

山東河南撫臣各奏報得雨

丙寅

北地春雨艱雨足必收麥青豫麥爲秋更復賴甘澤所  
欣數年來如膏每盈尺至於畿輔地春旱例自昔十年  
九不雨雲漢賦何益惟待夏霖沛可冀苗之碩去年夏  
苦曠如焚日憂迫三冬雪未足舉趾伊朝夕安得及茲  
晨優溼遍廣陌嗟嗟我農夫多勞而鮮獲休徵致未能  
返已深自責

聞河南得雨

丙寅

三輔春望霖宵衣勞靡已頗聞鄭有麥二鬴庶可恃夏

初膏澤霑禾黍芃芃起乃復接封章謂缺灌田水增我  
南顧憂豈以此忘彼方籌補助策慙媿民粟徒忽學奏  
書囊佳音紛滿紙近遠普優渥高下藝稻芑溝壑差免  
淪錢鏹遂堪痔嗟予德誠薄何幸獲全美仰首盟高蒼  
勤民益勗已

河南得雨誌喜

丁卯

天時不可必水旱何能齊惟此飢溺心黔黎想共知屢  
勅守牧臣毋詡豐亨詞苟存文飾意有司職遂虧一遇  
賑恤行寧濫毋或遺今年被恩早連接甘膏滋王畿千  
里間盈隴翠色披所願遍寰宇時若皆如茲而奈南北  
殊如願安可希豫省苦春旱封章蚤閱批自此望洛雲

續河南通志

聖制

首卷四

之三

三

戚戚常在懷叶每對時雨降卜度凝雙眉知近而忘遠

彼民其恃誰首夏月將望時四月十四日嘉音自南來叶連朝

盈尺霑芒種剛及期禾黍旣種衰麥收仍半之真堪喜

不寐益勵乾惕思

復聞河南得雨

丁卯

春杪夏初欣時雨蹙眉遠爲商洛憂

彼時河  
南望雨

邇聞屢霑

差少慰望雲日夜頻增愁彼處麥收還過半趁種禾黍

芃如油此則十日期已迫况兼二麥難爲秋眼前得失

紛塞馬而我切切無窮休亦思所戒不知足其如億兆

衣食謀入孝出弟民風淑要先養欲與給求一夫不獲

予之臺燮和無術其誰尤嗚呼燮和無術其誰尤安得

宜雨而雨宜暘而暘遍我寰宇長蒙庥

巡幸中州詩

庚午

過漳河初入豫省卽目成詩示撫臣鄂容安

一水分燕豫提封制度周當秋巡狩處自古帝王州務  
本民風厚崇廉吏計修益須持後效方足慰先憂休助  
予常切旬宣汝善求滌場欣遇稔供帳戒從優河水安  
瀾遠嵩陽瑞靄浮閭閻疾苦隱道左共諮諏

豐樂鎮

一橋接兩隄兩省限一水迎者旣紛來送者亦旋止守  
臣有爾我予心何彼此周禪寰海內孰非我赤子中州  
乃初至按轡咨民事叶夾道老幼填瞻就近尺咫蠲租

續河南通志

聖制

首卷四之三

四

早頒詔賜金每問齒笑華奚必禁奔走紛未已其數無  
慮萬一一色含喜嗟予有何德子來乃爾爾寒所衣者  
布飢所食者米比戶日所需直貴固其理旣庶而旣富  
曰教思所以擾之愛亦害循之順匪弛是處名豐樂高  
廩慶亦有叶顧名心倍欣慰世無過是伊洛周鄭間結  
攬從茲始

安陽道中覽古

翠罕度安陽秋暄曉露灑韓陵一片石晝錦數間堂建  
置相還鄴軍期項與章考尋閒按轡要務讓農桑

演易臺謁周文王祠

洄蕩之間曰羨里演易聖人昔拘此天高地下皆易理

豸辭闡發權輿是天王聖明罪當誅千載而下真知已

魏巍之臺近尺咫夙凜師承惟四字叶 常謂文王視民如傷四字足為

千古帝王心法無憂其常憂暫耳王季為父武為子牧誓諒非

心所喜叩馬村在河之涘夷齊首肯吾斯語叶

### 經岳武穆祠

翠栢紅垣見葆祠羔豚命祭復過之兩言臣則師千古

百戰兵威震一時道濟長城誰自壞臨安一木幸猶支

故鄉俎豆夫何恨恨是金罍太促期

### 夜雨

夢迴武帳聽溪激借助風催峭冷微跋涉為厘征馬瘦

雨寒則草衰故馬瘦滋培亦慶宿牟肥

### 續河南通志

聖制

首卷四之三

五

### 曉行

雲歛豫天晴塵清鄭野平直成灑道雨不礙省方行疾

苦咨民瘼歡娛驗物情德車憑覽處侯度凜持盈

### 淇縣覽古

河洛省方初秋遲暝律舒紅橋度淇水綠野紀殷墟綫

弱風前柳針長雨後遽從民每乘騎暫可謝輕車豫省觀光

之民益多於直省蓋以初至也若多乘車則有歎不得遂願瞻仰者故每乘騎以從民意云

燕去雁來初閨闈氣象舒古來猶沫土此際已良墟社

祀衛公武村傳君子遽千秋彰瘝在何必便廻車用朝歌墨

事子

射

省方展休助較射習勤勞繩

武心恒切穿楊興共豪流星貫平鵠的滿月引烏號觀

德威儀秩其爭君子曹

### 過殷比干墓

天地之經君臣之義貴戚異姓同歸一致與社稷共逝  
將焉避孰丁其難孰丁其易嗟哉斯人遭殷之季罔爲  
臣僕先王獻自披瀝以陳甘於殞棄五畝佳城千秋弗  
墜夫子適周載經栢隧早許三仁詎惟四字

### 謁衛源祠

駐蹕蘓門下躬瞻清衛源地靈神以妥派遠物蒙恩百  
顯珠呈琲一泓月貯痕流淇潤桑土利澤永中原

續河南通志

聖制

首卷四之三

六

### 登嘯臺有作

太行秀迤蘓門山宜爲隱者所盤桓我來深秋氣蕭霽  
曠懷以上千年間辭騎屨步凌崇巒憩藉猗靡之阜蘭  
謾謾天風吹鳳鸞卽遇公和相周旋清激嘯旨我不解  
慷慨嘯理我或閑嗣宗猖狂豈能攀詩留片石飄乎仙  
題安樂窩

前者周程後者朱同歸何礙却殊途深知天地理數蘊  
不作語言文字儒試想安貧樂道趣常依月到風來湖  
嘯臺近在烟霄裏異世芝蘭結契無

### 駐蹕百泉作

清蹕來游衛水源小加構築儼林園洛中名勝山川秀



秋杪風光松菊存座俯滄池下鷗侶階含碧蘚育桐孫  
讀書近溯周程旨恰喜明窓暖日曛  
半頃明湖綠竹圍衛詩風景尚依依大珠小珠玉盤落  
智樂仁樂逸興飛竿綫不期魚受釣樊籠獨惜鶴思歸  
巡簷更讀前人句却似韓陵可語稀

奇樹歌 有叙

百泉多奇樹然不過曲拳轆轤貌古形詭而未始離  
夫木也惟此樹其根盤錯多穴望如淮石亦有石子  
礫魄蒼皮間其上則扶踈老幹依然嘉樹深秋葉落  
不知其名問之云皂莢百泉奇樹無復奇乎此者矣  
既命筆爲傳其神復成是歌題於上而識之

續河南通志

聖制

首卷四之三

七

久竹青寧古或聞異哉此樹非木羣木乎石乎難疏分  
我忽逢之清衛瀆下臨流水上干雲盤根錯節如髣屯  
兩株直聳擎輪囷華清一樹其子孫小試成仙左騎軍  
興來命筆傳其神

白雲寺

八山秋色佳到寺春陽煦匝圍玉屏茈虎張錦樹  
竹徑穿雲出禪房花草菲階前一泓水去作垂虹飛  
一庭栢樹青千嶂楓葉紫平原逾月行今朝見山喜  
靜室纔十笏好山具四鄰當年誰結夏無著與天親  
崑凹藏乳竇竹底眇烟郊斷缺唐碑在猶然稱白茆

是寺

唐時各白茅

明季改今名

少坐清有餘便去興未已迴視失招提鐘聲白雲裏

加免獲嘉等縣今年秋收稍歉者租詩以示地方吏  
我過直隸時蠲租別次第豐收普免三款收更加二前  
臨豐樂鎮憑輿覘稔歲是用生歡顏免三均示惠邇日  
遵河北觀民每駐轡沙田餘穉苗場圃鮮碩穗問知秋  
雨稀穀價因以貴休助有古訓加蠲亦近例亟頒十行  
詔更勅一方吏惠民不吝恩施恩善推類

徵七賢詠

嵇生放達意真豪嗣宗青眼誇神交啟事吏隱何妨濤  
沛國豫流形陶陶向秀佐鍛鑪鑄操小阮不媿玉樹曹  
阿戎清爽舞濁醪竹林之游芳躅高延之過激由去朝  
猶使逸興軒軒飄

清化鎮

清化近覃懷溝渠引丹水頓覺風物佳西成頗豐美跋  
馬路無塵熙皞樂井里高樹柿垂丹疎林楓染紫矮屋  
曲籬間綠竹黃花綺就溪翻水碓碾出長腰米芃芃麥  
被隴餅餌明春指前者山田旱切切愁無已加蠲今歲  
租庶冀民瘼起都無兩日程稔秋乃異彼老幼多豫色  
吾亦生歡喜喜愁非無恒因民豈爲已

登月山寶光寺

月地由來號月山蜿蜒一逕入雲關真成七寶光無定

續河南通志

聖制

首卷四之三

八

消受三秋趣以閒平野色含菁峭外飛泉聲在翠微間  
心疑開士幽居處欲辨殘碑蘚已斑

駐蹕竹塢

竹塢覃懷勝清秋說六驂筠篁突淇澳風景似江南引  
水邨春熟垂林野實甘惟應與休息循吏孰龐參  
盈耳聞蕭籟延晞舞翠虬更無塵可避惟與靜爲謀疎  
間黃花放澄臨碧水流瓊廬移頓屢是處占清幽

渡孟津河恭依

皇祖元韻

方舟氣霽涼收天後海先河凜

祭川所冀安瀾九曲水永寧率土萬家烟萬家烟火隨  
民便皇

續河南通志

聖制

首卷四之三

九

神御製句也太和融盜每  
歎以爲千古治法無過此嵩山太少修

堯年  
殷祀澗水東西祝大田芝篆豐碑重捧讀益欽繩繼仰

渡河舟中作

惟天有漢地有河其源則一理豈訛時巡嵩洛初渡過  
清秋浪靜暄且和樓船振柁發權歌濤聲砰磴鼓靈鼉  
黃頭相顧喜色多訝逢希有之恬波我昔澄海縱遐眺  
此輪彼受均難爲壯哉大觀抒雄哦

題洛陽都亭

洛陽都亭名自故云是文紀埋輪處豺狼當道置狐狸  
十五事陳逆當路王家炯鑒尙曾悟連踵雲臺身犯霧

鷲肩豺目志跋扈廣陵出守單車去尙勝杜喬及李固  
位至三公乏匡助瘐死獄中應悔誤

洛陽道中八韻

朱曦麗雲罕絳氣拂星旃喜色盈茅屋歡心歷麥田榮  
光直北望華蓋迤南連百雉今雄郡三河古帝屢翻經  
白馬寺呈瑞玉雞川柳綠搖秋暎菊黃擎露圓山猶圍  
關塞莊已失平泉爲想衣冠會深思治亂緣

香山寺雜咏

華榦西來走嵩嶽龍門中斷放清伊果然佳景無窮盡  
潑眼驚看此最奇

依巖古洞號賓陽乳竇冬溫夏却涼龍口噴成珠瀑落

續河南通志

聖制

首卷四之三

十

逝將學海一川長

畫舫撐過伊水平向來小坐白雲橫叢篁深處飛欄外  
留我敲吟一晌情

攀躋直到香山寺尋遍殘碑可惜生內翰書屏猶述古

尋白居易記已無存惟餘近年間翰林

汪士鉉所書居易香山記刻於屏間一番讀罷見交

情白居易修香山寺記云予爲微之作墓誌元氏具銀幣鉅萬志謝予念平生分堅辭不獲乃廻施茲寺

題香山寺二首

龍門凡十寺第一數香山自古才華地當秋罕蹕閒闕  
峰迎巖薛伊水俯潺湲始見人楓葉霜前三兩股

靜室暫周旋興懷每睪然如斯看水逝不改是峰連畫  
意誰能貌吟情祇合蠲慮輸白少傅已著祖生鞭

登緱山極目

緱嶺巖嵒嵩嶽連傳聞子晉此昇仙割來太室三分秀  
望去清伊一帶綿歡豫民情他聞苑菁芊麥色我芝田  
孜孜求治猶多愧無暇重繙學道篇

少林寺作

少林千載寺少室一房山禪悅偶重叩 雍正年間曾蒙  
皇考指示

禪宗妙諦而此處又  
為達摩面壁處故云秋巖此乍攀樹姿紛綺繡澗響靜  
潺湲却見來時路轆轤雲外關

題面壁石

大地那非碧眼僧九年面壁却何曾宋雲道是逢慈嶺  
五葉原教到慧能片石無端留色相千秋不必考明徵

續河南通志

聖制

首卷四之三

士

我非見布疑廣者畫取由他故事增 石中隱隱具初祖  
面壁之相或係偽

為而神采渾穆特  
手為摹本以歸

宿少林寺用唐沈佺期韻

明日瞻中嶽今宵宿少林心依六禪靜寺據萬山深樹  
古風留籟地靈夕作陰應教半巘雨發我夜窓吟

雨

止頓暮山蒼秋霖入夜長慣經曾塞北初值此嵩陽 塞  
上

山靈者經過必遇雨  
雪茲至中嶽亦然詎止前塵淨端資潤麥香 途中見  
麥苗頗

待澤茲雨實  
有益田功也來朝林外路馬上試新涼

會善寺

外方多寶地淨域闢雲關自占山川秀遙看花樹殷到

來塵念息試坐穉冬閒

時十月朔日

紺宇怡神靜丹梯舉足

攀龍池噴德水雁閣禮華鬢太少無窮奧於茲見一斑

### 嵩陽書院

書院嵩陽景最清石幢猶紀故宫名

舊名嵩陽宮宮前石幢載唐明皇求

仙得藥事

虛誇妙藥求方士何似菁莪育俊英山色溪聲留

宿雨菊香竹韻喜新晴初來豈得無言別漢栢陰中句

偶成

### 漢栢行

我曾快讀杜甫詩千秋絕作嘆莫比嵩陽今見漢時栢  
學步吟懷不能已久與公孫並得名潁川嵩岳近尺咫  
潁川馬鬣尙存無嵩岳龍身猶故爾世人安得如汝壽

續河南通志

聖制

首卷四之三

十三

休論二在一已燬是時雨後涼颺起瀏菴卉歛聲盈耳  
金幢玉節舞其翩瑞鳳祥鸞集爰止栢下平鋪金粟紙  
寫形要欲寫其理浮邱伯周王子風雨晦暝翱翔是尙  
更逢之亦圖彼

### 謁嶽廟

正正堂堂地巍巍煥煥京到來瞻氣象果足慶平生愜  
我長年願去年卽降旨祠嶽陳茲祈歲情忽聞鸞鶴韻疑有列

仙迎

### 嶽廟秩祀禮成有述

明禋親舉備宮懸

德並高峯峻極



怡神在次寥流藻契虛靜可惜別嵩門

太室王柱峯東兩峯夾峙每月

初生正從峽中出志載嵩門待月爲茲山佳勝

未一攬清景

陰

前朝嵩陽雨信靈未及寸邇日歷廣陸掘堞揚塵坊冬  
麥始茁苗遍野綠鍼嫩三白雖可待豫立言誠信薄暮  
作輕陰冀灑天漿潤無間爲民心不已祈年願

駐蹕開封示巡撫鄂容安

修祀廻登封展義臨祥符翠罕今駐蹕雄城古建都故  
蹟徵文獻遺風考輿圖所願濡教化豈因限賢愚惟此  
中州民尙多淳樸徒平康合正直疇陳良非誣

閱兵

續河南通志

聖制

首卷四之三

古

伊古廵方重觀民及詰戎金明習戰舊黃幄閱兵同組  
練光爭耀晷整氣益雄從來安不忘至治默存中

登吹臺八韻

京國探遺蹟豐碑謂已摧何期得古最果足暢今來勝  
日停鑿踰凌晨陟吹臺傳踪思韻曠作賦羨鄒枚

是地亦爲

梁王風葉梧青落霜花菊白堆尋廊攬郊郭俯楯極崔

嵬杜子真豪矣梁王安在哉無須命長笛爲恐豫雲開

是日薄陰頗因望雨故云

渡黃河

一帶黃河經兩度省方中土記初來風平穩過柳圍渡  
雲表廻瞻繁氏臺學海波濤不舍耳拍天氣象實雄哉



長隄烏奕金甃固河自孟津而下地就夷曠水勢奔放始有兩岸隄工云疏導常

懷大禹才

掛餅菊

緩歷多暄地疎筓耐冷花迎風謝蝶粉沿路笑霜華西  
洛春何在東籬秋尚賒卿雲隨御輦那復畏塵沙

冷

河水分南北寒暄迴不侔風林多落葉曉巒稱輕裘民  
瘼殷勤問圖經取次諏廩延經古邑塔影出城頭

題孔子擊磬處

荷蕢人過識有心旣譏揭淺厲於深知其一未知其二

玉振金聲冠古今

續河南通志

聖制

首卷四之三

十五

稽紹祠

良馬何須急着鞭時遭陽九分去身捐應教識聞鳴蛙  
者解惜忠臣血點濺

大生寺

秋月安陽路蘭若經未入小陽廻蹕便意行聊訪及龍  
宮八部衛雁樓三十級數間靜室幽竹陰成小立過眼  
雲外賞翻覺勞補葺

渡漳河

中土周巡一月強浮橋廻首望安陽往還節換秋冬候  
迎送疆分清濁漳拍岸沙痕依次退繡旌麥色較前長  
時平到處均繁庶益切持盈祝歲穰

命吳應枚圖嵩山華蓋峰仍疊前韻

卽景不能默於談昨來瞻嶽浴以南其峰造極愜靜參  
華蓋之下停龍繆償我夙願引我快目所攬結興欲探  
詎惟一壑與一岳維嶽與鎮都包函是宜紀詠詩囊添  
問上問下隔層嵐其呼萬歲奚足耽無德登封實可慙  
不如校景收清恬石磎曲折路尙堪底須鑿鑿劣崩巉  
下視羣峭知其凡金臺玉鏡

皆峰名

積翠咸鐵梁大小

皆峽

名殊森嚴搗衣玉女不嫁男常有雲物供繡拈嵩門待  
月纔眉尖謫仙人宅萬古舍大化冥合開胸襟如響應  
聲空谷谿侍臣賡韻艱谿磨崖學窠大字嵌他年誰  
其青出藍莫使薜荔蒙茸穢爾枚闕里歸程兼

應枚奉差祭告

續河南通志

聖制

首卷四之三

六

曲阜

孔廟歸程

程抵真定復命要當詩畫藝兩覃無舉柱史及瞿曇名

教之中樂無險漫云月窟天心潛太羹有味匪醢鹽試  
走健筆爲雲巖鬼神入處氣益酣兩行烟柳疎麩麩燕  
山趙水迎歸驂長歌還憶陟嶽驪題幘何異書崇岬攜  
歸温室資吟瞻香光家法待更規

將亦命董邦達圖之

是謂舉一  
乃得三

命董邦達圖嵩山華蓋峰再疊前韻

周禪瀛海逞辯談強分疆界朔與南運諸掌上默以參  
何須遍歷揚旂繚其間民物咸及吹用懷康乂時籌探  
省方詎惟賞川岳曰有深義於中函鼓舌底慮浮議添  
秩祀嶽廟瞻遙嵐華蓋左右飛興耽竟不能登我實懸

山靈雲物意趣恬投我無報其奚堪仄徑追攀未覺巉  
造極下視殊仙凡空谷有聲應速感剛柔合德均寬嚴  
大矣時義稱少男盪胸決皆供吟拈無所假借羣峰尖  
天中衆美已畢含百五十里敞神襟虛牝頰洞氣長谿  
廣生博大穹窿窳飛泉漱石玲瓏嵌幾曾點綴資精藍  
道之猶覺齒頰醜應枚小試霜毫兼亦云其可力已單  
譬之言佛必瞿曇是理易喻非奇險孰抉窅奧開幽潛  
如恒河中投升鹽爾達素工爲雲巖定當技癢落筆酣  
松窓月影寒珍珍靜觀絕藝誰方驂使我興在驅驪驛  
日某層峰曰某嶷一一聚米同親瞻陳迹俯仰頻懷覘  
快哉長韻廣其三

續河南通志

聖制

首卷四之

七

聞河南得雨誌喜

辛未

江鄉春雨略虞多恰喜晴明景色和聞道豫郊被甘澤  
正逢農月利嘉禾雨暘時若常希遍南北難均更易過  
誠使履豐寰宇慶吾將端拱愜如何

聞河南得雨

辛未

去秋巡豫郊待雨播秋麥三冬復望雪切切咨宣席春  
來舉趾初近遠濡甘澤來牟知遍佈芄芄撲隴陌所希  
兩以時芒種庶滋碩青齊喜依旬接壤興遙憶風氣兩  
省同麥秋重民食置郵來佳音兩河霑及尺餅餌定可  
卜市價已減值西望爲民慰忭慶手加額今歲幸時若

所歷同南北深爲損益稅益凜惕乾德

河南巡撫陳弘謀奏報得雨 壬申

麥收三月雨農謠向所傳中州土脉厚更以麥爲天去歲河隄潰數郡遭迺遭瓠子幸成功頗有涸出田麥芽遍隴青農父冀逢年邇日春霖時南顧心旌懸朝來覽章疏一雨千里連餅餌略可期吾民救眉燃元氣豈易復虔望秋成全

聞河南收麥誌慰 癸酉

大中風土暖麥收常早時春膏向悉霑近况曾未知忽接方伯奏大慰懸望思入夏雨旣佳豐秋定可期因恐賤傷農倉貯亦借資官糴籌補足賈湧卽罷之居奇更預防孽畫皆合宜皇州春如豫邇來望雲霓數日雖可續河南通志 聖制 首卷四之三 六

待一時難置懷 叶 愁中聊因慰悵遠愁近茲

河南巡撫蔣炳奏報得雪 乙亥

優霑春雪報中州慶爲三農卜麥秋亦慮征人勞跋涉權其輕重喜勝憂 時西征軍士分隊進發方歷豫境

河南巡撫圖爾炳阿奏報得雨 丙子

魯甸春膏渥以優便因接壤憶中州飛章見說一犁足額手同民望麥秋

河南山東奏報麥熟 丙子

九牧奏麥穀大都以十計五六爲中年遜此則歉歲七八稱半豐九十恒艱致齊魯春雨佳其後過晴霽因之芒種候未得飽結穗茲云贏七分疑信吾叅置中州春

及夏屢得霑甘惠麥收報及九額手欽

天賜不以近獨厚寧因遠弗逮為遠慶恐浮觀近愁難  
樹仰首瞻晴

吳恩膏難久滯

賜河南巡撫圖爾炳阿

丁丑

連疆迎蹕路重穡問農田所幸歲非歉還欣雪被駢安  
民惟擇吏樂後每憂先中土風猶樸斯宜正直宣

賜河東總河張師載

丁丑

疏淪期嘉績修防董衆寮詎予惟使過勵汝尙更調

張師

載前在江南副總河以徇庇悞公與高斌同獲罪既念  
其人素謹僕復加錄用茲命代白鍾山為河東總河俾  
得改紉法在遵潘馴文寧藉鮑昭魚臺全涸未舉趾待  
自效

續河南通志

聖制

首卷四之三

九

春朝

聞河南得雨

丁丑

皇都叠報得春霖齊鄭畿南盼好音況是天中尤重麥  
霑膏果足慰予心

免河南夏邑等四縣積欠彙括其事成詩

丁丑

巡省匪遊觀民瘼谷處處春月往南時舊臣畢覲御家

屏

彭

實豫人問以稼穡故奏稱數載勞勩賑皆未遇是

時彼方伯

圖爾炳阿

迎鑾正隨路同宣近前席詳告聽莫誤

州縣或欺爾爾莫欺黎庶黎庶且勿欺當前可廻護挈

彼往細勘改過要應速

叶

罪汝亦豈難而予更有慮鄉

紳汝治下聽彼罪汝遽此風頗有關所以姑寬恕隔月

撫臣報履畝親相度叶米貴則誠然蓋緣販糶去只可  
言借貸未可言賑務聞之爲悚然誠未解吾懷特命賑  
一月稍救溝壑赴迴鑾至彭城乃有道旁訴謂鮮受實  
惠至今困沮洳因思可使由聖語有精趣加賑反告災  
毋乃希恩屢復忖頗有人一往其過怙叶是亦不難辨  
彭城多瘠苦叶隨來諸部員其狀盡親視叶遴往四縣  
察與徐同異著旬日觀保廻即遴往之部員也備言民痛勸與  
徐頗無二而苦無恩佈吁嘻有是哉是不宜再顧方伯  
及方面爾皆爲民牧叶我無斬惠心而胡諱災固罷斥  
示重懲更簡賢才付年來愛民意寧有未盡喻猶然殃  
我民咄哉益知懼

續河南通志

聖制

首卷四之三

三

新正二日降旨加賑豫省去歲被災各州縣詩以紀

事戊寅

中州歷歲歎向隅屯膏其故緣諱飾察知譴責司牧者  
賑賙乃不遺餘力帑金三百萬弗惜庶使閭閻免困逼  
諄諄更戒彼大吏母俾役蠹俾遍得勤加咨詢往來人  
盡道窮簷稍起色更幸三白露宿麥聞之略爲紓反側  
夏熟尙早詎置懷助陽奉時宜布德譬之赤子纔離懷  
未能強飯可奪食已加母寧再三加於民豈可言從嗇  
免溝壑共力春耕南顧猶然爲惕息

河南巡撫胡寶瑒奏報得雪詩以誌慰

戊寅

豫省麥爲秋三白望尤切客冬雖屢霑優遍實尙缺况

復新涸地沮洳龜紋裂是慮孽蝗蝻縈繁愁弗絕臘後  
及初春乃均被甘雪不惟滋來牟兼幸驅遺孽披章沃  
天漿滌我五衷熱加賑已一再可度青黃節大田備及  
時更冀西成閱言慰豈無心未敢旋愉悅

河南巡撫奏報得雨詩以誌慰

戊寅

昨喜山東雨便因厯河南今朝卽接奏五寸已均霑此  
邦曩向隅屯膏恩未覃察知乃亟救寧聽巧言詹帑漕  
曾不惜賑濟且懷慙治河縱去患終賴麥秋占此雨實  
及時慶慰舒眉尖聖狂在罔克益勵畏民畧

河南巡撫胡寶瑒奏報得麥詩以誌慰

戊寅

豫民洊臻飢向隅非一日察知亟調救宵衣厯苦疾發

續河南通志

聖制

首卷四之三

三

帑及截漕大吏俾勤郵更求致灾故率爲水利失簡能

佐方伯

豫省水利命侍郎袁曰修會胡寶瑒經理

源委閱以悉支幹相灌輸

豫地向無溝塘雨集則田皆積水雨過則田皆漫水而地多早種久浸輒傷近議棄積窪以爲豬蓄之所又廣疏橫直小渠節節引支入榦俾河北諸水導入濟沁等河河南並濟賈魯惠濟巴溝等河以納衆水兩河之間水患畧除矣

母致行潦溢昨秋大舉工今春方告畢貧民工

代賑價令獲一律借種麥早播登場慶比櫛稍賴接青

黃詎盡還家室獲慰以爲慙秋收况難必

稻璜夢麟自河南復命詩以誌事

戊寅

稻璜及夢麟分任而同事麟也治上游泛濫防徐泗璜  
也疏下流五湖節宣備洪澤乃巨豬宜導不宜積導則  
順勢赴積則虞奔潰巡訪親所得因以示大意推行在

悉心求妥毋厭細經年工已竣積潦率涸地下河去歲  
收淮麥今春藝蕝事胥歸朝于行信勞勤功均在萬民  
輿誌傳所自況今司水土冬官實卿貳時嵇璜爲工部  
尚書夢麟爲工  
部侍郎成竹具於心中去聲要佇嘉議勗爾夙夜共佐我平

成治

河南巡撫胡寶琮奏報豫省秋收豐稔詩以誌慰

獲麥早誌慰顯爲望三秋豫土本曠衍苦乏渠與溝露  
潦率致災厯此悉心謀大疏橫直幹引支入榦流更喜  
雨暘時黍稌均豐收方伯入章告諒非虛詞投積歉賴  
少蘇慶愜舒眉頭復元氣不易莫亟言徵求

聞山東河南得雪詩以誌意已卯

續河南通志

聖制

首卷四之三

三

齊豫客冬早南顧久縈切新春雖報霑未優敢卽悅昨  
來重飛囊寸餘積玉屑膏潤接脈起過多恐寒烈更復  
懸遠望均被可及節連披方伯章兩省同逢雪盈尺歌  
旣渥正滋蘇土澤並稱春始仲無慮傷苻甲審然此則  
微仍惹愁農渴

河南山東巡撫各報得雨詩以誌事已卯

仲月霏雩零潤未一犁暨清明乃大風其占雨艱致邇  
來日蓬蓬落土騰雲翳憂心慮三農問夜誰能寐曩者  
密雲興望勞幾點隆何幸卽此陰釀澤齊鄭地齊鄭亦  
我民况以麥爲歲兩處各騰章三寸均霑被思遙額手  
慶撫近顰眉惴慶不抵惴苦誠慰以爲愧



河南巡撫胡寶瑑奏報開封得雨已卯

豫省春佳夏同旱鄰封延及是吾愆還教同日霑膏澤  
胡寶瑑奏稱亦於六月十二三等日得雨額感敬勤心益堅

河南巡撫常鈞奏報秋潦河漲漫溢大隄諸情形詩  
以誌事 辛巳

俗稱三白澇適當孟秋際撰辰早定期雨中因啟蹕將  
謂偶行潦跋涉何妨試南望雲勢重齊豫早厯意由來  
纜逾旬方伯飛章至七月十七八霪霖日夜繼黃水處  
處漲芟健難為備遙隄不能容子堰徒成棄初漫黑堙  
口復漾時和驛叶侵尋及省城五門填土閉乘障如戒  
嚴為保廬舍計吁嗟此大災切切吾憂繫言念此方民

續河南通志

聖制

首卷四之三

三

饑浮臻往歲疏淪命朝臣

豫省水利向以潞洩失宜民田頗苦淤墊歲丁丑命侍郎

裘曰修會同前撫臣胡寶瑑相度各工大加浚築比年並獲有秋牧民不惜費近年頗

獲豐甫得復元氣而胡更遇澇災較前尤劇叶所幸河

歸槽漲灘斷流墜城郭庶無恙佳音日夜歧其餘被水

郡諄諭勤周濟前功不可廢朝中遣大吏輕車自成竹

時常鈞甫經泣任裘曰修於黃沁源流素所諳悉即令馳驛前往會勸為我蘇殿屎叶啟

行值塗澤僕從已多懟豈知北輕南額手感

天賜萬方吾保赤一饑已所致盈虛敢委數調變惟增

愧

河南巡撫常鈞奏報開封水消及河奪溜楊橋諸情

形詩以誌事辛巳

方伯飛章遠置郵開緘一慰一以愁慰因開封漲水退

愁在河奪楊橋流下趨賈魯雖古道不經久豈隄防修

川不能容必奔放豫齊處處將貽憂已聞南河詫奇事

河水反落霽霖秋尹繼善奏徐州一帶於七月二十等

人分赴探視云云計其時正豫省奪溜次日也然中州

地處高原楊橋散溢下游澤國得免水患不可謂非

幸矣天實因散漫殃迤上正流弱乃淤泥留一患饑淫生

百患南望怒若予饑調急則治標事遮障俾歸故道遑

他謀重臣一再遣往勘先是詳符漫水報至已命裘曰

統勲兆惠馳驛前往專司督築兼命視賑調宣房後已

董築賈魯河奪溜急工失長策補偏實更無良猷平成乏術方抱愧救民漫惜

續河南通志

聖制

首卷四之三

十四

大學士劉統勲協辦大學士兆惠等奏報楊橋決口

合龍詩以誌慰辛巳

秋霖河決致灾侵億萬蒼黎繫念深特遣重臣資碩畫

善能集衆益詳斟功無時已歌寧信事在人爲語允謀

倍價那愁薪不屬豫省草直每束例九分以鄰近抒誠

早勝玉還沈柏冬歸舊神哉沛刻日傳佳慰以欣不築

宣房築靈宇佑民鞏堰冀

來歆工竣時日晴風順迴潮迅捷靈貺昭應因命卽

新正賜河南巡撫胡寶瑗壬午

九江還古汴因地藉賢才咨爾尤熟路爲予抒幹材滄

川別壅闕田野闢汙萊善後方多務欽哉更勗哉

河南巡撫胡寶琮接駕因問河工民務隨遣去

豫省昨秋澇宵衣切屨思爾今來遠接爲我說真知漫  
頌堤成速尙憐麥種遲饔殮得稍給屋宇可重治亟藉  
災區理寧資蹕路隨往哉勤汝事東作要乘時

降旨免河南災地民借欠項因示胡寶琮

壬午

遇灾蠲常賦賑期分次第輕重以爲差是皆有恒例汙  
萊闢綦要民力虞艱致牛具及籽種借與俾勤藝且緩  
期以償無非爲民計不期洊遇澇後更較前劇斯宜曲  
加恩概與豁免暨毋令侵蠹役尤須督庸吏蘇彼幸全  
民體予如傷意

乙酉春河南巡撫阿思哈來迎蹕問以豫省政務隨

續河南通志

聖制

首卷四之三

五

遣去詩以賜之

連疆來謁蹕前席細詢民去歲逢秋美經冬望雪頻雖  
霑究非渥有澤不應屯日厯間閤計何殊目覩親

續河南通志

河南巡撫臣阿思哈敬輯

首卷四之四

聖制

皇上御製文

惠安觀碑

乾隆四年

河南蘭陽縣地當黃河之衝板厥其最衝也洪波泛溢歲資堵塞雍正六年春有神像乘流而至漫口沙淤工遂底績居民覩厥奇異踴躍歡呼謂亘古所未有河臣以靈蹟上聞我

皇考世宗憲皇帝軫念民依

續河南通志

聖制

首卷四之

一

特命建祠以昭神貺遠宇周廬流丹映碧落成之日

賜名惠安越乾隆三年秋河臣奏蘭陽自立廟以來黃河底定順軌循行孚應之靈彰彰不爽恭請勒石紀載以示來茲朕惟河性遷徙不常而中州土壤平衡更爲難禦歷考前代捍衛之策大抵皆一時權宜不久卽生他患蓋湍急雄悍挾沙而行頃刻數十里防護實有甚難者我

列聖相承經營盡善凡所以順水性而奠民居者莫不隨地制宜因勢利導以故桑田廬舍咸蒙樂利之休而且感召嘉祥明神默相安瀾有慶功應卓然尤足徵我

皇考之德盛化神至誠昭格捷於影響爲尋常意計所不能

及也惟爾守土之臣瞻廟貌之式崇念堤工之匪易其  
益精白乃心恪共乃職以無負

皇考子惠元元之至意則神之降福孔特者將永永無極瀕  
河黎庶長享衽席之安而朕心於焉大慰矣

平定金川告成太學碑文

天畀我皇清握乾符俯坤軸函括萬邦悉主悉臣

五后纘承創守佑啟亦惟是二三蓋臣布德宣力予曰有先  
後予曰有禦侮用造我不丕基罔有蘖芽罔不煦嫗長  
養游於大當粵有金川娑羅奔者居西蜀桃關以外界  
綽斯甲小金川之間向曾從征得受符檄與諸土司齒  
頤恃其險遠夜郎自大構擊鄰番各土司申訴封疆吏

續河南通志

聖制

首卷四之四

二

更曰蔓之不圖豈其視爲甌脫乃請兵籌餉期掃其穴  
而司其事者或怯縮以老師或獐狻以蓄志軍無適從  
事用弗集予心惘然念邊徼之不寧或致增防置戍重  
勞吾民大學士忠勇公傅恒義同休戚毅然請肩斯任  
乃命以經畧印益厚集諸路軍芻粟相繼間閭不驚卜  
吉於戊辰十一月之三日

馮牙以指所征朕親御武帳賜經畧酒以行天日和昶陽  
氣宣復都人士聽觀聳躍罔不忭喜謂露布之旦暮至  
也乃歷燕晉驅秦隴越劔閣絕川江凌桃關之巖徑天  
射之峻又日討軍實而教誠拊循之均其渴飲飢食同  
其曉征夜眠至於密贊機務親草奏章則又經畧獨勤

其勞而諸武臣有所不知有弗能共者恩威既明士用益屬度番落如戶庭過部伍於衽席奸酋授首軍聲大振復以巨礮擊其礮堅礮以摧將俟諸軍之集搗其中堅而番酋駭瞿駭喙稽首請降經畧臣以彼罪重惡極窮而乞生久或淪且備焉慮不允所請朕惟

天地之德在好生彼蟻潰而鼠駭者毋寧赦而有之且求降而盡殲之不可謂武矧不足以污我斧也於是經畧宣朕明旨登壇受降已巳二月之望日金川平定捷音至京是役也笨入數千里奏凱未七旬而振旅之師多有返自中途未究其用者昔之成功巴蜀如建武之定公孫江陵之降李勢皆在版圖之內無足比數廷臣舉

續河南通志

聖制

首卷四之四

三

皇祖朔漢

皇考青海成例請勒碑成均以示來許夫秉丹誠而運籌決勝永靖荒徼者經畧大學士之功也商可否於帷幄衝石矢於行陣者參贊大臣及諸將士力也朕何有焉惟是體

乾元之德凜佳兵之戒保大定功安民和衆庶幾可以垂則乎乃系之辭曰

維

天生人類聚羣分凡茲林林孰非我民有羈而縻有誨而諄

豈伊異視遠近殊倫守在四夷稽古名言無已用之寓

義於仁 蠢彼金夷恃其險阻蠶食豨張謂莫我拒不

靖不庭侵厥鄰聚駭奔叫以干大咎匪棘匪紆獫狁之故我張我伐獫狁之故我師旣集賊亦相持匪敢相持懼誅自支兩易寒暑敎功稍稽賊益以狂怒臂當車罪臣旣誅以徇我師朕咨於恒汝往視之朕咨於恒惟汝同德惟我庶士亦久于役將茲旗兵羽林神策其勇熊羆其心金石何敵弗摧何攻弗克濟以汝忠奏捷頃刻恒拜稽首臣敢弗費旣禡旣宜師出于京師出于京時惟一陽未逾五旬乃壓其疆前旌獵獵有節煌煌羣番迺驚謂自天降惟彼攸恃曰良爾吉以偵以謀如鬼如蜮其恃爰誅其類股慄紀律是明戎兵是詰鑄礮攻礪其守以失惟是懼誅潛弗敢出其潛弗

續河南通志

聖制

首卷四之

四

出乃旦夕延將齊我軍披其中堅大鞞大膊期日之前彼乃窮蹙乞降悚虔惟命是從六事永遵除道築壇肉袒羊牽赳赳鍾琪乃度之愬聿抵賊巢開誠以諭携其二酋軍門親赴悔罪歸誠車塵馬足順斯撫之昭我王度昔也雷霆今也雨露七縱諸葛單騎汾陽曰我相臣子前有光晉爵錫服黼黻龍章速歸黃閣左右贊襄休養生息惠鮮蜀邦我武旣揚無疆惟慶

平定準噶爾告成太學碑文

遼矣山戎薰蕕旃裘毳幕之人界以龍沙畜其驪奚雖無恒業厥有分部蓋自元黃剖判萬物芸生東夷西夷各依其地謬舉淳維未爲理據皇古莫紀其見之書史

者自周宣太原之伐秦政亘海之築莫不畏其侵軼猶夏是虞自是厥後一二奮發之君慨然思挫其鋒而納之宥然事不中機材不副用加以地遠無定處故嘗勞衆費材十損一得搢紳之儒守和親介冑之士言征伐征伐則民力竭和親則國威喪於是守在四夷羈縻不絕地不可耕民不可臣之言興矣然此以論漢唐宋明之中夏而非謂我皇清之中夏也皇清荷

天之龍興東海撫華區有元之裔久屬版章歲朝貢從征狩執役惟謹準噶爾厄魯特者本有元之臣僕叛出據西海終明世爲邊患至噶爾丹而稍強吞噬鄰蕃闖入北塞我

續河南通志

聖制

首卷四之

四

五

皇祖三臨朔漠用大破其師元惡伏冥誅脅從遠邁跡毋俾遺種於我喀爾喀厥姪策妄阿拉布坦收其遺孽僅保伊犁故嘗索俘取地無敢不共逮夫部落滋聚乃以計襲哈密入西藏準夷之勢於是而復張

兩朝命將問罪雖屢獲捷而庚戌之役逆子噶爾丹策凌能用其父舊人乘我師怠掠畜於巴里坤擣營於和卜多於是而準夷之勢大張然地旣險遠主客異焉此勞往而無利彼亦如之故額爾德尼招之敗彼亦以彼貪利而深入也

皇考謂我武旣揚不可以旣允其請和以息我衆予小子敬

奉



无志無越思焉旣而噶爾丹策凌死子策妄多爾濟那木扎爾暴殘喇嘛達爾扎篡奪之達瓦齊又篡奪喇嘛達爾扎而酗酒虐下尤甚焉癸酉冬都爾伯特台吉策凌等率數萬人來歸越明年秋輝特台吉阿睦爾撒納和碩特台吉班珠爾又率數萬人來歸朕謂來者不可以不撫而撫之莫若因其地其俗而善循之且毋令滋方來之患於我喀爾喀也於是議進兩路之師問彼罪愆安我新附凡運餉壽馱長行利戰之事悉備議之始熟經於庚戌之艱者咸懼踏轍惟大學士忠勇公傅恆見與朕同而新附諸台吉則求之甚力朕謂犁庭掃穴卽不敢必然喀爾喀之地必不可以久居若而人毋寧用其

續河南通志

聖制

首卷四之四

六

鋒而觀厥成卽不如志亦非所悔也故凡

襁旗命將之典槩未舉行亦云偏師嘗試爲之耳塞上用兵必以秋而阿睦爾撒納馮木特請以春月欲乘彼馬未肥則不能遯朕謂其言良當遂從之北路以二月丙辰西路以二月己巳各起行哈密瀚海向無雨今春乃大雨咸以爲時雨之師入賊境凡所過之鄂拓克携羊酒糗糒迎恐後五月乙亥至伊犁亦如之達瓦齊於格登山麓結營以待兵近萬我兩將軍議以兵取則傷彼必衆彼衆皆我衆多傷非所以體上慈也丁亥遣阿玉錫等二十五人夜斫營規賊向賊兵大潰相蹂躪死者不可勝數來降者七千餘我二十五人無一人受傷者

達瓦齊以百餘騎竄六月庚戌回人阿奇木霍集斯伯  
克執達瓦齊來獻軍門準噶爾平是役也定議不過二  
人籌事不過一年兵行不過五月無亡矢遺鏃之費大  
勲以集遐壤以定豈人力哉

天也然、

天垂佑而授之事機設不奉行之以致坐失者多矣可與樂  
成不可與謀始亦謂蚩蚩之衆云爾豈其卿大夫之謂  
既克集事則又曰苟知其易將勸爲之夫明於事後者  
必將昧於幾先朕用是寒心且準噶爾一小部落耳一  
二有能爲之長而其樹也固焉一二暴失德之長而其  
亡也忽焉朕用是知懼武成而勒碑文廟例也禮臣以  
續河南通志

聖制

首卷四之四

七

爲請故據實事書之其辭曰

茫茫伊犁大幹之西匪今伊昔化外羈縻條支之東大  
宛以南隨畜獵獸蟻聚狼貪乃世其惡乃恃其遠或激  
我攻而乘我緩其計在斯其長可窮止戈靖邊化日薰  
風不侵不距不來其那款關求市亦不禁訶始慕希珍  
終居奇貨吏喜無事遷就斯悞漸不可長我豈懼其豈  
如宋明和市之爲旣知其然飭我邊吏弗縱弗嚴示之  
節制不仁之守再世斯斬篡奪相仍飄忽荏苒風沙革  
面煎鞏披忱集泮飛鷄食黠懷音錫之爵位榮以華裾  
膝前面請願効前驅兵分兩路雪甲霜鋒先導中堅如  
鼉錯攻益以後勁蒙古舊屬八旗子弟其心允篤二月

卜吉牙旗飄颻我騎斯騰無待析膠泉漏於磧蕪苗於  
路我衆歡躍謂有天助匪啻我衆新附亦云黃髮未覩  
水草富春烏魯木齊波羅塔拉台吉宰桑紛紛欵納牽  
其肥羊及馬潼酒獻其屠耆合掌雙手予有前諭所禁  
侵陵以茶交易大愉衆情衆情旣愉來者日繼蠢達瓦  
齊擁兵自衛依山據淖惟旦夕延有近萬人其心十千  
勇不目逃掄二十五曰阿玉錫率往賊所銜枚夜襲直  
入其郛揮矛拍馬大聲疾呼彼人旣離我志斯合突將  
無前縱橫鞚鞞案角鹿墜隴種東籠自相狼藉孰敢櫻  
鋒孤竄鼠逃將往異域回部遮之克渠斯得露布旣至  
告

續河南通志

聖制

首卷四之四

八

廟受俘凡此蕝功荷

天之衢在古周宣二年乙亥准夷是平常武詩載越我

皇祖征嚆爾丹命將

焉旗亦乙亥年旣符歲德允協師貞兵不血刃漠無王庭  
昔時準夷弗恭弗諛今隨師行爲師候尉昔時準夷日  
戰夜征今也偃臥知樂人生曰匪準夷曰我臣僕自今  
伊始安爾遊牧爾牧爾耕爾長孫子曰無向非豈有今  
是

兩朝志竟億載基成側席不遑保泰持盈

中州治河碑

國以民爲本在知民莫達之隱民以食爲天在防食致

害之源害源不求食則無秋達隱莫知民則何依豫民之向隅也切體恤之悉爲災之因潦也爲鬻剔之時則守土之臣曰胡寶瑑襄事之臣曰裘曰修二臣奉朕旨不惜工不愛帑不勞民水用洩土計方上源下游以次就治撫臣胡寶瑑因民之請欲泐石紀恩而建亭以覆之朕維此繁文可勿事惟是斯民之利賴有宜垂示久遠者虞書言養民之政舉水火金木土穀爲六府禹之明德遠矣究其所設施則決川距海卽系之以濬缺滄距川周禮遂人掌邦之野有遂有徑有溝有畛有洫有涂有澮有道有川有路而稻人掌稼下地畜水止水澆水均水舍水寫水而後作田古先哲王其納天下於在

續河南通志

聖制

首卷四之四

九

宥兵農禮樂至一名一器之微皆纖悉爲之制而必先之以水土之政此地平天成之所由基也水土之政不修食曷由出朕於四方水旱之告蠲賑動以千萬計顧圖之於旣災之後不如籌之於未災之前仰體

上天覆育元元之心罔敢暇逸以無負所付用康乂我億兆

人良有司爲朕分牧民之任者其亦體朕心以期於永永弗隳則朕之至願也至於齊徐淮海莫不分命臣工董司其事以疏以滄尋源注委而豫居天下之中黃河界其北淮瀆經其南平原高壤無大陸廣川爲之瀉故尤爲難治今自滎澤以下導汴渦沙汝諸水以流其惡其支分派別或隄以束之或濶以瀦之或引之使分或

漚之使合曲之使有容直之使徑達爲水門以蓄洩之  
爲涵洞以吐納之朕後先宣示之旨及諸臣之疏具在  
茲不復叙爲叙其大指若是嗟乎豫之民其受困亦亟  
矣及朕知之始爲之易撫臣發帑粟興水利然救什一  
於千百其亦遲矣朕方抱愧之不暇而曰民感恩乎其  
益增吾愧而已矣

平定回部告成太學碑文

建非常之功者以舉非常之事舉非常之事者以藉非  
常之人然亦有不藉非常之人而舉非常之事終建非  
常之功者則賴

吳蒼篤貺神運斡旋事若禍而移福機似逆而轉順

續河南通志

聖制

首卷四

之四

十

天者昌逆

天者亡故犁準夷之庭掃回部之穴五年之間兩勲並集始  
遲疑猶未敢信終勅劬以底有成荷

天之龍在茲畏

天之鑒益在茲爰叙其事如左達瓦齊之就俘也伊犁已大  
定矣無何而阿睦爾撒納叛彼其志本欲藉我力以成  
已事時也人心未定佐襄者嘗一蠖肆狂萬狙應響蜂  
屯蟻襍不可爬梳畏難者羣謂不出所料準夷終不可  
取並有欲棄巴里坤爲退守謀然予計其衆志不齊將  
有歸正倒戈者是督策將帥之臣整師亟進旣而伊  
犁諸台吉宰桑果悔過勤王思討逆賊以自贖此

天恩助順者一也二酋大小和卓木者以回部望族久爲準噶爾所拘於阿巴噶斯鄂拓者也我師既定伊犁乃釋其囚以兵送大和卓木波羅泥都歸葉爾奇木俾統其舊屬而令小和卓木霍集占居於伊犁撫其在伊犁衆回乃小和卓木助阿逆攻勤王之台吉宰桑等阿逆賴以苟延及我師再入阿逆遂逃入哈薩克而霍集占亦卽收其餘衆竄歸舊穴此

天恩助順者二也準夷之事前紀畧見梗槩茲不復紀紀興師討徇之由則以我將軍兆惠在伊犁時曾遣副都統阿敏道往徇議事小和卓木乃以計誘阿敏道而拘之及我師抵庫車問罪彼携阿敏道以來援至中途害之

續河南通志

聖制

首卷四之四

七

及從行者百人彼猶逞其狂勃抗我師顏且敢冒死入庫車城乃雅爾哈善畧無紀律致彼出入自由然我滿洲索倫衆兵士無不念國家之恩効疆場之力故能以少勝衆逆渠懼而免脫此

天恩助順者三也知債轅之無濟掄幹材之可任時將軍兆惠以搜勦準夷餘黨至布魯特部落已欵服其衆因命旋師定回部於是克庫車存沙雅爾定阿克蘇畧烏什收和闐師之所至降者望風直至葉爾奇木城下而我軍人馬周行萬有餘里亦猶強弩之末矣二酋以其逸待之力統數萬人與我三千餘人戰我師之過河者纔四百餘猶能斬將擐旗退而築堡黑水固守以待此

天恩助順者四也萬里之外抱水救火其曷能濟乃予以去年六月卽降旨派兵撥馬欲以更易久在行間者耳故兵馬率早在途一趨進而各爭先恐後人人有敵愾之憤此

天恩助順者五也副將軍富德及叅贊舒赫德輩率師進援以速行戈壁中馬力復疲值狂狗據險坐俟頗有難進之勢夫援軍不能進則固守以待者危矣而叅贊阿里袞驅後隊之馬適至夜擣賊營我師內外夾攻彼不知我軍凡有幾萬握炭流湯之徒自相蹂躪顧命不暇於是解黑水之圍鹿駭鷹驚遁而保窟我之兩軍合隊全旅以廻阿克蘇此

續河南通志

聖制

首卷四之四

十一

天恩助順者六也旣而彼料我必再入泰山之壓難當乃於我師未進之先携其部落載其重器跳而遠去而葉爾奇木哈什哈爾二城之舊伯克等遂獻城以降叅贊明瑞一邀之於霍斯庫魯克副將軍富德再陷之於阿爾楚爾於是離心者面內前途者反旆二酋惟携其妻孥及舊僕僅三百人入援達克山境此

天恩助順者七也人跡不通之地語言不同之國旣已雀毆寧不狼顧其授我與否固未可定也然一聞將軍之檄莫不援旗請奮整旅前遮遂得克渠爾首露布遙傳此天恩助順者八也夷考西師之役非予夙願之圖何則實以國家幅員不爲不廣屬國不爲不多惟厯守成之志無

希開創之名兼以承平日久人習於逸既無非常之人  
安能舉非常之事而建非常之功哉然而輾轉輻奏每  
以艱而獲易視若失而反得故自締始以逮定功雖予  
自問亦將有所不解其故而不敢期其必然者故曰非  
人力也

天也夫

天如是顯佑國家者以

祖宗之敬

天愛民蒙

眷顧者深也則我後世子孫其何以心

上蒼之心志

續河南通志

聖制

首卷四之

十三

列祖之志勉繼繩於有永保丕基於無窮乎繫以銘曰

二酋僭德始亂為賊是興王師報怨以直伊犁既平蕞  
爾奚屑徐議耕闢徐議戍設以噢以咻伊予本懷豈其  
弗戢圖彼藐狇彼狇不量怒臂當車戕我王臣助彼狂  
狙始攻庫車僨轅敗事用人弗當至今為愧悖逆罪重  
我武宜揚易將整師直壓彼疆阿蘇烏什玉隴和闐傳  
檄以定肉袒羊牽二酋孽深知不可活狼狽相顧固守  
其穴桓桓我師周行萬里馬不進焉強弩末矣以四百  
人戰萬餘虜退猶能守黑水築堡間信達都為之傷悼  
所幸後軍早行在道督勅速援人同怒心曾不兩月賊  
境逼臨賊境逼臨彼復微隙馬繼以進賊營夜斫出其



不意賊乃大驚謂自天降孰敢鋒撻大鞞大膊如虎搏  
兔案角隴種誰敢迴顧黑水圍解合軍暫旋整旅三路  
期並進焉賊偵軍威信不可支挈其妻孥遁投所依所  
依亦回豈不自謀豈伊庇猿而受林憂利厥輻重無遺  
盡掠遺其都丸遂來獻馘詎惟獻馘並以稱臣捧贖表  
章將詣都門奏凱班師前歌後舞尸逐染鏑温禺豐鼓  
露布至都正逮初陽

慈寧稱慶亞歲迎祥

郊廟告成諸典並舉皇皇太學豐碑再樹豐碑再樹敢予喜  
功用不得已

天眷屢蒙始之以武終之以文戡亂惟義撫衆惟仁布惠施

續河南通志

聖制

首卷四

四

古

恩寰寓共喜古不羈縻今爲臣子疆闢二萬兵出五年  
據實書事永矢乾乾

楊橋河神祠碑記

乾隆辛巳七月豫中秋霖大至河溢祥符黑堦口急命  
侍郎裘曰修馳傳勘視俄而會城驟漲侵淫遂潰楊橋  
隄奪溜賈魯河河臣張師載撫臣常鈞連牘以狀聞且  
惶恐謝守土不謹朕曰爾勿棘爾分莅有界限惟豫艱  
是圖寧爲全河計乃者燕齊迤北並積潦滙中州而下  
勢必張所過事乘障不已將釀南河患艱以上游之治  
治今爾疆陂堰縱不戒未越宿而徐城暴長之水乃陡  
落庸渠非不幸之幸然爾時賈魯方演漾頽壽注洪澤

湖日夜挾沙奔流淮病黃愈病是不亟治上游而下游  
又烏可以不治治於時大學士劉統勳協辦大學士尙  
書公兆惠就行在授指往董厥事而撫臣常鈞等方議  
盡塞南岸旁决之口徐興築楊橋隄拂哉旁口益堵卽  
大溜益湍此何異醫者不察標本欲悉壅闕諸孔竅妄  
覬調停腹潰哉咨爾胡寶瑋爾早習豫河要害其再調  
撫茲土乞贊有成咨爾高晉爾簡率江南練工弁卒繕  
畚揭菱礎先後伙助之爰廣代賑集厥力增薪值贍厥  
財其急衝之不能猝廻者親爲按圖審度點筆爲誌令  
鑿引渠灑河溜重臣覆奏至亦不謀臆合夫然後衆志  
齊而儲待周工作以次就理斯役也漫口初止六十丈  
續河南通志

聖制

首卷四之四

五

汕蠶至二百餘丈視前此南河之朱家海張家馬路蓋  
三倍而贏自蠲除賑給暨別件管轄外計大工專支帑  
金三十萬有奇經始於九月一日合龍於十一月一日  
爲時甫兩匝月統勳等以程績罔稽導引時兼有返風  
之應以建

河神祠并請頒額勒碑用申昭報朕念洪河故四瀆之  
一而歷代遷徙不常雖神禹無由善其後豈非勢弛於  
日下補掾者必以爭水爲得策歟自豫河决而復合  
其歲三吳沮洳之壤黃流順軌鑿鼓弗聞以彼挈此差  
數瞭然可覩匪

神貺默臻曷以至是若朕宵旰勤求之苦衷具見誌實

詩中並命鐫諸石示我守臣體之有永毋隳後效毋棄  
前勞是爲記

續河南通志

聖制

首卷四之

十六



續河南通志卷之四首卷四之十六

首卷四之五

聖制

皇上御書匾額對聯

文廟 乾隆三年

與天地參

各省府州縣  
胥行頒發

溥仁觀

乾隆三年

惠應安瀾

濟源廟

清流普惠

續河南通志

聖制

首卷四之

一

武陟縣黃河神廟

瑞應榮光

月山寺觀音閣

慈意雲垂

月山寺佛殿

功德水周環金容印月

吉祥雲縹緲寶界凝香

月山寺毘盧佛殿

六通圓滿

水陸殿

無盡光明

河南巡撫臣阿思哈敬輯

龍門香山寺

香岩淨域

關帝墓

聲靈於鑠

翊漢表神功龍門並峻

扶綱伸浩氣伊水同流

迎恩寺

具正法眼

緱嶺王喬祠

卽是丹梯

笙音縹緲凌秋月

續河南通志

聖制

首卷四

之五

二

鶴羽廻翔駐嶺雲

中嶽廟前殿

鎮茲中土

二室集神庥陰陽式序

三臺垂福廕風雨以和

中嶽廟二層殿

神嶽崇巖

包伊洛溼澗並效靈庥

長衡泰華恒永凝禔福

中嶽廟天仙宮

靈符萬寓

山寺

石室靈虛叅秘籙

玉膏凝潤普元符

中嶽廟

行宮

勝萃三門

仙館揮絃調潁水

書巖琢句擷嵩雲

曾善寺佛殿

靈鷲真如

一曲香泉應洗鉢

千峰花雨不沾衣

續河南通志

聖制

首卷四五之

三

會善寺菩薩殿

空澄水月

大地山河歸寶掌

中天日月繞金輪

少林寺初祖殿

雪印心珠

少林寺三世祖佛殿

香岳雲梵

法域啟三明慧通眼藏

香岳標七淨妙滌心塵

少林寺毘盧殿

法印高提

山色溪聲涵靜照

喜園樂樹繞靈臺

少林寺

行宮

秀挹嵩雲

登峰何必全規李

築室無妨小似盧

少林寺達摩殿

最勝覺場

玉岫香雲開法界

續河南通志

聖制

首卷四之

四

珠林花雨靜禪心

百泉

文廟

乾隆十五年

至教永垂

衛源廟

乾隆十五年

利濟中州

源濬蘇門靈泉昭上瑞

流敷衛土渥澤濟羣生

擊磬亭碑陰

孔子擊磬處

白雲寺

乾隆十五年

白雲自在

甘露寺石額

勅修大延壽甘露寺

甘露寺佛殿

華嚴香海

心鏡意珠一燈傳浩浩

喜園樂樹萬葉護真如

行宮大殿

和恒四輔

角亢列星躔八方和會

畢箕符衆好四國蕃宣

行宮二殿

續河南通志

聖制

首卷四之五

五

自時中乂

中土淳風占有豫

東都盛軌緬成周

行宮寢殿

勢雄區夏

行宮箭亭

以爲人鵠

巡方一試騶虞節

校武三成畫鵠懸

行宮東配殿

十二靈文傳寶炬



三千淨土蔭慈雲

賜河南巡撫臣鄂容安

中州霖雨

貢院

旁求俊乂

立政待英才慎乃攸司知人則哲

與賢共天位勗哉多士觀國之光

續河南通志

聖制

首卷四之五

六



典贊其天立品... 士瞻... 立題奇英... 人...

安... 文...

刊...

中...

鄂容安...

鄂容安...



